

## chaupai sahib in hindi

ॐ श्री वाहगुरू जी की फतह ॥

पातिसाही १० ॥

कबियो बाच बेनती ॥

### चौपई ॥

हमरी करो हाथ दै रछा ॥

पूरन होइ च्ति की इछा ॥

तव चरनन मन रहै हमारा ॥

अपना जान करो प्रतिपारा ॥१॥

हमरे दुशट सभै तुम घावहु ॥

आपु हाथ दै मोहि बचावहु ॥

सुखी बसै मोरो परिवारा ॥

सेवक सिखय सभै करतारा ॥२॥

मो रछा निजु कर दै करियै ॥

सभ बैरिन कौ आज संघरियै ॥

पूरन होइ हमारी आसा ॥

तोरि भजन की रहै पियासा ॥३॥

तुमहि छाडि कोई अवर न धयाऊं ॥

जो बर चहों सु तुमते पाऊं ॥

सेवक सिखय हमारे तारियहि ॥

चुन चुन त्रु हमारे मारियहि ॥४॥

आपु हाथ दै मुझे उबरियै ॥  
मरन काल का त्रास निवरियै ॥  
हूजो सदा हमारे प्छा ॥  
स्री असिधुज जू करियहुछा ॥५॥  
राखि लेहु मुहि राखनहारे ॥  
साहिब संत सहाइ पियारे ॥  
दीनबंधु दुशटन के हता ॥  
तुमहो पुरी चतुरदस कता ॥६॥  
काल पाइ ब्रहमा बपु धरा ॥  
काल पाइ शिवजू अवतरा ॥  
काल पाइ करि बिशन प्रकाशा ॥  
सकल काल का कीया तमाशा ॥७॥  
जवन काल जोगी शिव कीयो ॥  
बेद राज ब्रहमा जू थीयो ॥  
जवन काल सभ लोक सवारा ॥  
नमशकार है ताहि हमारा ॥८॥  
जवन काल सभ जगत बनायो ॥  
देव दैत ज्छन उपजायो ॥  
आदि अंति एकै अवतारा ॥  
सोई गुरू समझियहु हमारा ॥९॥  
नमशकार तिस ही को हमारी ॥  
सकल प्रजा जिन आप सवारी ॥

सिवकन को सवगुन सुख दीयो ॥  
शत्रुन को पल मो बध कीयो ॥१०॥  
घट घट के अतर की जानत ॥  
भले बुरे की पीर पछानत ॥  
चीटी ते कुंचर असथूला ॥  
सभ पर क्रिपा द्रिशटि करि फूला ॥११॥  
संतन दुख पाए ते दुखी ॥  
सुख पाए साधन के सुखी ॥  
एक एक की पीर पछानै ॥  
घट घट के पट पट की जानै ॥ १२॥  
जब उदकरख करा करतारा ॥  
प्रजा धरत तब देह अपारा ॥  
जब आकरख करत हो कबहूं ॥  
तुम मै मिलत देह धर सभहूं ॥१३॥  
जेते बदन स्रिशटि सभ धरै ॥  
आपु आपुनी बूझि उचारै ॥  
तुम सभ ही ते रहत निरालम ॥  
जानत बेद भेद अरु आलम ॥१४॥  
निरंकार निबिकार निल्मभ ॥  
आदि अनील अनादि अस्मभ ॥  
ताका मूड्ह उचारत भेदा ॥  
जाको भेव न पावत बेदा ॥१५॥

ताकौ करि पाहन अनुमानत ॥  
महा मूड्ह कछु भेद न जानत ॥  
महादेव कौ कहत सदा शिव ॥  
निरंकार का चीनत नहि भिव ॥ १६ ॥  
आपु आपुनी बुधि है जेती ॥  
बरनत भिन भिन तुहि तेती ॥  
तुमरा लखा न जाइ पसारा ॥  
किह बिधि सजा प्रथम संसारा ॥१७ ॥  
एकै रूप अनूप सरूपा ॥  
रंक भयो राव कहीं भूपा ॥  
अंडज जेरज सेतज कीनी ॥  
उतभुज खानि बहुरि रचि दीनी ॥१८ ॥  
कहूं फूलि राजा वै बैठा ॥  
कहूं सिमटि भयो शंकर इकैठा ॥  
सगरी सिशटि दिखाइ अचमभव ॥  
आदि जुगादि सरूप स्रयमभव ॥१९ ॥  
अबछा मेरी तुम करो ॥  
स्खिय उबारि अस्खिय स्थरो ॥  
दुशट जिते उठवत उतपाता ॥  
सकल मलेछ करो रण घाता ॥२० ॥  
जे असिधुज तव शरनी परे ॥  
तिन के दुशट दुखित वै मरे ॥

पुरख जवन पगु परे तिहारे ॥  
तिन के तुम संकट सभ टारे ॥२१॥  
जो कलि कौ इक बार धिऐहै ॥  
ता के काल निकटि नहि ऐहै ॥  
छा होइ ताहि सभ काला ॥  
दुशट अरिशट टरे ततकाला ॥२२॥  
क्रिपा द्रिशाटि तन जाहि निहरिहो ॥  
ताके ताप तनक महि हरिहो ॥  
रिद्धि सिद्धि घर मों सभ होई ॥  
दुशट छाह छै सकै न कोई ॥२३॥  
एक बार जिन तुमैं स्मभारा ॥  
काल फास ते ताहि उबारा ॥  
जिन नर नाम तिहारो कहा ॥  
दारिद दुशट दोख ते रहा ॥२४॥  
खड़ग केत मैं शरनि तिहारी ॥  
आप हाथ दै लेहु उबारी ॥  
सरब ठौर मो होहु सहाई ॥  
दुशट दोख ते लेहु बचाई ॥२५॥